



督漕疏草

總督淮揚等處地方提督漕運海防軍務兼理糧餉兵部侍郎兼都察院右副都御史臣董誥

已巳集

古題報親催漕白重運過濟

題為恭報微臣親催漕白重運船糧盡數過濟北

上仰祈

睿鑒事竊照臣奉

命督漕於本年四月初一日抵淮莅任凡關漕政無

不實力奉行以盡臣職隨查各省康熙二十八



年起運二十七年分船糧數目通查漕白貳糧

已經盡數過淮題

報在案臣又慮在事沿河文武各官催僨不力又特發木牌沿途飭僨兼特委臣標右營守備陳正寅執持令箭專催又疊飭沿河催漕各官諄切告誡共相砥礪毋許刻遲雖據山東各屬報稱天旱河水淺涸重運難行臣披閱之際焦心如焚一面分檄沿河催漕文武衙門申嚴督僨諭以漕白糧米關係

天庾大計俱令親駐河干各盡人力無分晝夜相度情形多方設法或借湖水濟運或疏浚河道蓄水浮送然在事各官奉臣差檄交催亦知臣心真切無不竭力共勦漕事臣於斯時籌畫再四寢食不遑查臣衙門亦有奉

旨親僨之例臣又遵例減從輕舟前往山東一帶督僨重運幫船於本年五月二十六日將漕白重運幫船盡數催過濟寧州督押金山衛運官李瑜尾幫船隻飛挽前進訖今江南雨澤連沛山東境內近亦得雨河水漸發重運糧船亦可通行除一面移咨總督河臣王新命山東撫臣錢

珏接僨并另檄沿河文武諸臣令其親駐河干
晝夜飛催不得片刻停留又一面遴選勤慎幹
員宿遷後營遊擊章紘尾押督僨以速運行再
請

皇上勅下沿河諸臣嚴加接催務期蚤登

天庾臣謹將親僨重運漕白貳糧幫船盡數過濟前
進情形恭疏題

報伏乞

睿鑒施行康熙二十八年五月二十六日

題

題承追華亭縣十四年揚倉少折未完

題爲察核通庫收支錢糧以清混冒事據護理蘇
常糧道事蘇州府知府胡世威詳稱案奉前任
總漕馬部院牌開康熙二十七年十一月二十
日准戶部咨開雲南清吏司案呈戶科抄出總
漕馬世濟題前事康熙二十七年十月初五日
題本月二十一日奉

旨李論着議處具奏該部知道欽此欽遵於本月二
十二日抄出到部奉此查得先經原任總漕慕
天顏咨稱蘇松等府康熙十四年分漕項錢糧

案內華亭縣揚倉米一千六百三十二石三斗零每石六錢折銀九百七十九兩三錢八分零等語本部以每石少折銀三錢行令速行增補報部去後今總漕馬世濟疏稱前項少折米價銀兩勒催日久並無完報今四月之限已滿則華亭縣署印縣丞李論承追不力之咎不能爲寬相應

題叅等因前來應將華亭縣署印縣丞李論交與吏部議處其少折米價銀兩速行增補可也爲此合咨前去查照施行等因移咨到部院准此

擬合就行仰道查照來牌并准部咨內事理卽將前項少折米價銀兩速行增補詳報以憑咨覆毋違等因奉此遵卽轉行松江府督催增補去後計日諄催不遺餘力令據該府詳稱爲查康熙十四年分華亭縣揚倉少折一案職府凜遵部駁緊項日事追呼抗無完報合將現任華亭縣知縣朱騰蛟承追不力職名詳報聽候轉詳漕院

題叅庶部件不致久懸等情到道據此該本護道查得華令朱騰蛟係屬初叅之員前項揚倉少

折銀兩今限期已滿抗無完報據府開列職名
報叅合將松江府開報初叅華亭縣接徵知縣
朱騰蛟承追不力職名開明詳報聽候院臺核
奪

題叅等因到臣該臣看得蘇松等府康熙十四年
分漕項錢糧案內華亭縣揚倉米一千六百三
十二石三斗零每石六錢折銀九百七十九兩
三錢八分零每石少折銀三錢並無完報經前
總漕臣馬世濟具疏將華亭縣署印縣丞李論
題叅部覆少折米價銀兩速行增補當經前總漕

臣馬世濟檄行蘇常糧道遵照在案及臣莅任
接管又經行催今據護理蘇常糧道事蘇州府
知府胡世威詳稱轉行松江府督催增補日事
追呼今限期已滿抗無完報將初叅華亭縣接
徵知縣朱騰蛟職名開報前來則華亭縣接徵
知縣朱騰蛟承追不力之咎臣不敢爲之寬也
相應

題叅再照臣於本年四月初一日莅任接管合併
聲明伏乞

勅部議覆施行康熙二十八年六月初四日

題

養用分心

沐

題
 養用分心
 沐
 題承追帶徵十四年婁上青揚倉少折限滿
 題為察核通庫收支錢糧以清混冒事據護理蘇
 常糧道事蘇州府知府胡世威詳稱案奉前任
 總漕馬部院牌開康熙二十七年十一月二十
 三日准戶部咨開雲南清吏司案呈戶科抄出
 總漕馬世濟題前事康熙二十七年十月十四
 日題本月二十九日奉
 旨張玉柱等着議處具奏該部知道欽此於本月三
 十日抄出到部奉此查得先經本部將蘇松等
 府康熙二十四年并帶徵十四年分漕項錢糧

題承追帶徵十四年婁上青揚倉少折限滿

題為察核通庫收支錢糧以清混冒事據護理蘇

常糧道事蘇州府知府胡世威詳稱案奉前任

總漕馬部院牌開康熙二十七年十一月二十

三日准戶部咨開雲南清吏司案呈戶科抄出

總漕馬世濟題前事康熙二十七年十月十四

日題本月二十九日奉

旨張玉柱等着議處具奏該部知道欽此於本月三

十日抄出到部奉此查得先經本部將蘇松等

府康熙二十四年并帶徵十四年分漕項錢糧

案內不符各款行令查叅婁縣二十六年解淮揚倉米八百石每石六錢折銀四百八十兩上海縣二十五年解淮揚倉米一千三百八十六石二斗七升零每石六錢折銀八百三十一兩七錢六分零青浦縣二十三年解淮揚倉米四百五十石每石六錢折銀二百七十兩淮庫冊內雖經收訖但米每石少折銀三錢行令增補報部去後今總漕馬世濟疏稱前項少折米價銀兩行催未完則婁縣署印松江府通判張玉柱上海縣署印蘇州府通判李世敬青浦縣署

印松江府同知陳禹謨怠玩之咎不敢爲寬至部查各款該道造報仍有不符及應叅職名亦未開報今定限已逾則蘇常糧道錢捷不行查報咎亦難辭相應一併

題叅等因前來應將婁縣署印松江府通判張玉柱等三員并蘇常糧道錢捷交與吏部議處其少折米價銀兩速行增補報部查各款應叅職名應令作速查叅可也爲此合咨前去查照施行等因移咨到部院備行到道奉此除部查各款應叅職名先經逐一查開具詳業奉院臺

題報外其揚倉少折銀兩隨行松江府督追完解去後節經嚴催今據該府詳稱屢督各縣增補今限期已滿未據完解將承追婁縣知縣廖慶辰上海縣知縣朱萬錦青浦縣知縣張庚怠玩職名開報聽候核叅等情前來該本道查得婁上青三縣揚倉少折銀兩限滿既無完補則怠玩之咎實難爲婁縣知縣廖慶辰上海縣知縣朱萬錦青浦縣知縣張庚寬也再查婁上青三縣未完揚倉少折一案原叅皆係署事之員今婁縣知縣廖慶辰上海縣知縣朱萬錦青浦縣

知縣張庚等三員從前未經叅過悉屬初叅合行聲明伏候院臺核明具

題等因到臣該臣看得蘇松等府康熙二十四年并帶徵十四年分漕項錢糧案內婁縣解淮揚倉米八百石每石六錢折銀四百八十兩上海縣解淮揚倉米一千三百八十六石二斗七升零每石六錢折銀八百三十一兩七錢六分零青浦縣解淮揚倉米四百五十石每石六錢折銀二百七十兩每石少折銀三錢其少折米價銀兩行催未完至部查各款造報仍有不符及

應叅職名亦未開報經前總漕臣馬世濟將婁縣署印松江府通判張玉柱等蘇常糧道錢捷具疏

題叅部覆少折米價銀兩速行增補報部查各款應叅職名作速查叅等情經前總漕臣馬世濟檄行蘇常糧道遵照在案及臣莅任接管又經行催今據該護理蘇常糧道事蘇州府知府胡世威詳稱除部查各款應叅職名先經逐一查開具詳業奉

題報外其揚倉少折銀兩隨行松江府督追完解今據該府詳稱屢督各縣增補今限期已滿未據完解將婁縣知縣廖慶辰上海縣知縣朱萬錦青浦縣知縣張庚初叅職名開列前來則婁縣知縣廖慶辰等承追不力之咎臣不敢爲之寬也相應

題叅再照臣於本年四月初一日莅任接管合併聲明伏乞

勅部議覆施行康熙二十八年六月初四日
題

題豁九江等衛所漂沒船糧

題爲報明事據江安糧道叅政周訓成詳稱奉前
總漕馬部院牌開康熙二十七年七月二十四
日准戶部咨雲南清吏司案呈奉本部送戶科
抄出護江撫吳延貴題前事等因康熙二十七
年六月初四日題本月二十四日奉

旨該部議奏欽此欽遵於本月二十五日抄出到部
查得護理江西巡撫印務署布政司事糧道吳
延貴疏稱九江南昌等衛所旗丁童宋陳等八
船共裝載康熙二十六年分漕米四千六百四

督漕疏草 卷之三
十石行至江南東流縣遭風將船打碎船米無存所有原裝米數臣謹具

題等因前來查定例內若漂沒船糧該督撫確查具

題之日照例豁免等語相應行令總漕該督嚴查具

題到日再議

題覆可也爲此合咨前去查照施行等因移咨到部院准此擬合就行爲此仰道查照來文部咨事理卽將九江南昌等衛所旗丁童宋陳等八

船裝載漕米行至江南東流縣遭風漂沒嚴行確查的實取具文武運弁地方合式印甘各結通詳并將督撫二院批示緣由一併詳報以憑會

題毋得違錯等因到道奉此遵經備移安慶營并行池州府嚴查去後又復屢催嗣據池州府申稱遵卽轉飭東流縣查報去後今據該縣申稱案查江西九江後幫旗丁童宋陳漕船一隻裝載正改米五百石於本年二月十一日未時行至東流縣河口對面洋子江中遭風打沉又查

江西南昌後幫旗丁胡午兒漕船一隻裝載正
改米七百石又旗丁戴關保漕船一隻裝載正
改米七百石又江西吉安所旗丁夏曾拱漕船
一隻裝載正改米四百石又旗丁郭丘戴解漕
船一隻裝載正改米七百四十石又江西廣信
所旗丁王祝達戶丁王十三漕船一隻裝載正
改米六百石又江西九江衛後幫旗丁張受三
漕船一隻裝載正改米五百石又周共姜漕船
一隻裝載正改米五百石共漕船八隻於二月
十一日行至化陽鎮胡家角楊子大江中遭風

打碎據報到縣卑職隨即會同防江守備楊鼎
畧及各衛官丁親至化陽鎮胡家角查勘果係
遭風打碎寸板粒米無存併淹死人口情形申
報外隨經取具南岸香口地保併河口地保甘
結北岸營汛甘結併該衛官丁甘結已經申報
在案今奉前因擬合換具報明事註語印結各
十紙地保甘結具文申送查核轉報等情到職
據此卑職於八月二十六日奉委同九江安慶
二府會勘彭澤東流兩縣界址於九月初七日
回署即欲交卸府事因李知府雖同大兵凱旋

卽赴省交投兵餉未得交卸今蒙前因合將取
到東流縣文武營汛地保印甘各結卑職加結
具文照轉呈報查核轉報等情并准安慶營移
稱爲照各幫漕船裝運糧米其在船細數惟該
管道府與運弁旗丁知悉至於沿江文武遇有
漕船到境不過極力催儆無容逗遛設有遭風
乃變起不測益不常見之事也該地方官惟確
勘打壞情形與滄死人口數目具文呈報其所
載漕米旣經漂沒無從查數亦惟訊之運官以
開報耳合無仍照前送結式出具印結先行移

送煩爲查照施行等因各送印甘各結到道准
此該本道查得江西吉安九江南昌廣信等衛
所旗丁夏曾拱等八名各領運江西省康熙二
十七年起運二十六年分船糧俱於本年二月
十一日行至東流縣大江遭風漂沒查內係吉
安所運官楚國柱下旗丁夏曾拱原裝正改米
四百石滄死大小三口係火頭蕭三水手富兒
三兒郭丘戴解原裝正改米七百四十石滄死
旗丁一名丘祥四九江衛後幫運官趙廷璧下
旗丁張受三原裝正改米五百石人船俱沉止

存水手一名褚有良周共姜原裝正改米五百
石滄死舵婦李氏男張長兒水手毛四劉陞童
宋陳原裝正改米五百石滄死舵男郎招兒婦
饒氏水手曹貴陳洪南昌衛後幫運官耿元忠
下旗丁胡午兒原裝正改米七百石淹死船男
韓尚志女秀妹水手胡長李吉胡三戴關保原
裝正改米七百石滄死男婦十五口廣信所運
官茅運昌下旗丁王祝達戶丁王十三原裝正
改米六百石滄死男曹大女大漢兒二名以上
船糧八隻滄死人口米數查定例重運船糧大

江失風漂患例應查勘確實取具地方文武官
弁印甘結狀通詳會疏

題豁今江西吉安等衛所旗丁夏曾拱等領運船
糧於二月十一日東流大江遭風漂沒滄死人
口實屬天意非人力所能挽救者既准該管之
安慶營并池州府查勘確實出具文武官弁切
實印甘各結前來本道覆查與例相符理合詳
請院臺俯賜查核咨

題豁免等因通詳奉署理總督江南江西事務安
撫楊都院批同前由奉批仰候漕撫二院查核

會
題繳結存案等因又奉安撫楊都院批同前由奉
批已據池州府詳報具

題矣仍候督撫二部院批示繳等因各遵奉在案
合併聲明奉批查廣信所旗丁王祝達漂沒船
糧文武印結俱有滄死曹大女大漢兒二名口
今運弁結內並未開有滄死人口字樣是何緣
故不便率

題仰將發去各結再一確查的實刪叙妥文詳報
立等具

題仍候先行咨明繳各結發回批行到道奉此遵
又復經備移江西糧道并安慶營及行池州府
查取各結送道覈明去後復又行催今淮安慶
營并據池州府各送印結并地保結狀申送前
來相應具文詳報伏候院臺查覈再查運弁各
結事隸江西糧道所屬本道雖經節次移催至
今並未移道第事屬隔省恐滋岐悞合無併請
院臺俯准徑檄該道查取呈送實爲恩便等因
呈詳本部院蒙批漂沒船糧事關具

題仰將夏曾拱等漂沒米石有無溷規情弊該道

題再一確查加具切實看語限文到三日內詳報
覈精本情別案於縣文錄歸庫關具

題其運弁結狀候檄江西糧道查取咨部繳結發
回批行到道奉此該本道覆查得重運船糧大
江失風漂患例應查勘確實取具地方文武結
狀通詳具

題豁免此定例也今查江西吉安九江南昌廣信
等衛所旗丁夏曾拱等八名各領運江西省康
熙二十七年起運二十六年分船糧俱於康熙
二十七年二月十一日行至東流縣大江遭風

漂沒查內係吉安所運官楚國柱下旗丁夏曾
拱原裝正改米四百石滄死大小三口係火頭
蕭三水手富兒三兒郭丘戴解原裝正改米七
百四十石滄死旗丁一名丘祥四九江衛後幫
運官趙廷璧下旗丁張受三原裝正改米五百
石人船俱沉止存水手一名褚有良周共姜原
裝正改米五百石滄死舵婦李氏男張長兒水
手毛四劉陞童宋陳原裝正改米五百石滄死
舵男郎招兒婦饒氏水手曹貴陳洪南昌衛後
幫運官耿元忠下旗丁胡午兒原裝正改米七

百石滄死舵男韓尚志女秀妹水手胡長李吉
胡三戴關保原裝正改米七百石滄死男婦十
五口廣信所運官茅運昌下旗丁王祝達戶丁
王十三原裝正改米六百石滄死男曹大女大
漢兒二名以上漂沒船糧八隻并滄死人口米
石之細數也本道隨經取具該管之安慶營并
池州府查勘確實出具文武官弁切實印甘各
結前來查與重運船糧大江漂患定例相符是
以本道具文通詳在案今奉本部院批開漂沒
船糧事關具

題仰將夏曾拱等漂沒米石有無混規情弊該道
再一確查加具切實看語詳報核

題等因遵查船糧漂患原以印結爲憑今查文武
各結內俱稱並無詐冒乘機侵盜虛規謊報等
弊日後查出願甘坐罪字樣則是並無規混情
由明矣相應遵照加看同原送印甘各結一併
詳報伏候院臺鑒核咨

題至於奉查詳結內止開正米數目並未分晰耗
米若干遵卽移行安慶營并池州府查報今據
回稱果係遭風打碎寸板粒米無存并滄死人

口止據各衛官丁移報正改米石併滄死人口
姓氏未經分晰正耗若干今按結核筭悉與江
省撫院

題報數目相符若正耗細款江南無從懸擬合併
詳明院臺於疏內聲明

題達等因到臣該臣看得九江南昌等衛所旗丁
童宋陳等八船共裝載康熙二十六年分漕米
四千六百四十石行至江南東流縣遭風將船
打碎船米無存經護理江西巡撫印務署布政
司事糧道吳延貴具

題部覆行令總漕該督嚴查具

題到日再議等因經前總漕臣馬世濟檄行江安
糧道遵照在案先據該道呈詳內有旗丁王祝
達漂沒船糧運弁結內未開滄死人口字樣當
經前漕臣馬世濟一面批駁確查一面咨明戶
部及臣莅任接管又經行催續據該道詳送文
武印結并稱運弁各結事隸江西糧道併請徑
檄該道查取等因臣因漂沒船糧干係重大復
經檄行江西糧道查取未到運弁各結并批行
江安糧道再一確查船糧有無混規去後今據

江安糧道叅政周訓成詳稱吉安等衛所旗丁夏曾拱等漂沒船糧渰死人口今查文武各結俱稱並無詐冒乘機侵盜虛捏謊報等弊願甘坐罪則是並無捏混情由至於漂沒糧米止據開報正改米數並未分晰正耗各若干無從懸擬請於疏內聲明等因前來查係大江漂沒渰死人口與例相符應請豁免除原結送部查核外至於運弁各結現在檄行江西糧道查取至日另行咨達戶部臣謹會同江南江西總督臣傅臘塔安徽巡撫臣江有良合詞具

題再照臣於本年四月初一日蒞任接管合併聲明伏乞

勅部議覆施行康熙二十八年六月初四日
題

題東海營造報二十七年奏冊遲悞職名
題爲營弁造冊遲悞謹據詳糾叅仰祈

勅部議處事康熙二十八年五月二十八日據淮安
府知府單務孜詳稱奉臣牌開爲銷筭兵馬錢
糧事案照漕標九營支領過康熙二十七年分
一歲官兵馬匹俸餉馬乾本折銀米及建曠截
扣錢糧例應

奏銷久經飭行各營移府覈造在案又經節催等
因仰府該卑府查得漕標九營康熙二十七年
分

奏銷兵馬錢糧冊籍頭緒繁多例應預爲攢造前蒙檄府攢造隨即移取各營底冊過府膽造又經移明務須磨筭確實部限已屆若再駁換必致有違定限緣由去後催據左右後各等營底冊到府正在覈造再查

奏銷奉有五月內到部之限卑府卽彙造清冊呈送覈明發繕無非據各營送到底冊膽造且頭緒又不止於卑府倉庫一銀米而已又有各該營新收開除官兵馬匹住支開支月日必非草率可以膽寫底冊各數非一日可以覈明而真

冊又非一筆可成今查東海營守備譚棟移送底冊磨覈膽造冊內多有舛錯礙難轉報冊籍互異以致有違定限相應據實詳報等因到臣該臣看得臣標左右宿後廟灣鹽城海州東海徐州蕭九營支領過康熙二十七年分一歲官兵俸餉馬乾及本色折色銀米事故截曠等冊例係淮安府移取各營支領餉米等項細數各底冊覈筭明確造具清冊送臣覆覈繕寫黃冊於五月內

奏銷臣於莅任後卽檄行各該營查造并行淮安

督漕疏直 卷之三
府移取彙造依期拜發延今五月已終尚未造
送屢經節次嚴催并查遲延緣由行據淮安府
知府單務孜詳稱東海營守備譚棟移送底冊
磨筭多有舛錯互異以致有違定限今據詳報
前來其遲悞之咎臣不能爲東海營守備譚棟
寬也除臣一面嚴檄催造各冊到日另疏
奏銷外相應
題叅伏乞

睿鑒勅部議覆施行康熙二十八年六月初四日
題

題豁吉安所漂沒船糧

題爲怪風撞碎漕船事據江安糧道叅政周訓成
詳稱奉前總漕馬部院牌開據池州府申稱據
贛州衛兼理吉安所運務領運守備馬負瑞呈
稱據吉安所三十一號旗丁嚴羅陳運丁陳斌
玉稟報前事詞稱蟻命不辰輪康熙二十八年
起運二十七年分漕糧受兌吉水縣兌改正副
平米一千八石於康熙二十八年正月二十一
日申時行至東流縣烏石磯地方江中突遭怪
風撞碎船底板一塊卽時沉沒船未見寸板米

無顆粒溺死攔頭張信水手張祥許明舵妻羅氏男婦共四口事關漕糧重務懇乞憐准賞文轉詳急救蟻命等情據此該卑職查得帶運吉安所旗丁嚴羅陳運丁陳斌玉漕船一隻受兌吉水縣康熙二十七年分秋糧改正副平米一千八石於康熙二十八年正月二十一日申時行至東流縣烏石磯江中陡遭怪風撞碎底板卽時沉沒板未見寸米無顆粒溺死男婦四口卑職彼卽查驗果係情真並無虛誑覘報等弊事屬漕糧理合據情具文呈報軫念重務恩准

轉報

題請豁免等情到府據此除一面嚴行東流縣查明取結另文申報外擬合先行具文申報等因到部院據此合亟行查仰道卽將吉安所旗丁嚴羅陳漕船果否行至東流縣烏石磯地方遭風沉沒渰死人口查明該丁原裝正耗漕米若干搶救若干有無虛覘取具文武各官并運弁地方印甘各結星速詳報覈奪不得徇庇察出干咎未便等因到道奉此遵卽備移安慶營并行池州府確察去後今據該府申稱行據東流

縣回稱該卑縣查看得江西吉安所三十一號
旗丁嚴羅陳運丁陳斌玉受兌吉水縣康熙二
十七年分秋糧兌改正副平米一千八石康熙
二十八年正月二十一日申時行至卑縣烏石
磯江中陡遭怪風打壞船底船糧沉沒無存滄
死攔頭張信水手張祥許明舵婦羅氏共四名
口是時船遭怪風登時沉沒不能撈救又據安
慶營哨官王明玉爲稟報事稟稱正月二十一
日據烏石磯旗長李明報稱有江西吉安所糧
船一隻於正月二十一日申時陡遭怪風打壞

船糧沉沒無存滄死男婦四口在汛等語同日
又據當地保副方繩祖結稱並無假冒虛捏各
等情在卷卑縣擬合加具印結同地方甘結併
督運官馬負瑞旗丁嚴羅陳運丁陳斌玉各結
具文申送查覈轉申等情到府據此合將該縣
申到江西贛州衛督運守備馬負瑞甘結旗丁
嚴羅陳運丁陳斌玉甘結及地保甘結并該縣
印結具文加結呈送等情并送運官旗丁地保
各結并府縣印結到道據此又淮安慶協鎮移
開照得本年正月二十九日據標下右軍守備

楊鼎畧呈稱據烏石磯汛兵李明稟報并准運官馬負瑞移稱吉安所運丁陳斌玉漕船於康熙二十八年正月二十一日申時行至烏石磯江中遭風打壞滄死男婦四口緣由到協鎮當卽一面具文通報一面飭行該備親臨確勘去後續據守備楊鼎畧呈稱卑職親詣烏石磯一帶查勘得運丁陳斌玉漕船果於本年正月二十一日申時行至東流縣地方烏石磯江中遭風打壞船底船糧沉沒板米無存滄死攔頭張信水手張祥許明船婦羅氏共四名口並無虛

捏謊報今將取到運官馬負瑞切實甘結繳報等情到協鎮據此隨將結狀存案并具文報明在案今准咨移隨又行據該備取具汛防官目甘結呈送前來擬合出備印結一併移送等因并送印甘各結到道准此該本道查得重運船糧大江失風漂患例應查勘確實取具地方文武各官印甘結狀通詳會

題此定例也今江西贛州衛兼攝吉安所運務運官馬負瑞下三十一號旗丁嚴羅陳運丁陳斌玉漕船一隻領運江西省吉水縣康熙二十八

年起運二十七年分秋糧兌改正米七百二十石耗米二百八十八石共兌改正耗平米一千八石於康熙二十八年正月二十一日申時行至東流縣烏石磯地方江中陡遭怪風撞碎船底卽時沉沒船無寸板米無顆粒溺死攔頭張信外水張祥許明舵妻羅氏男婦共四名口實屬天意不測非人力所能挽救者旣准該管安慶協鎮并池州府東流縣查勘確實各具地方文武印甘各結前來本道覆覈無異理合具文通詳伏候院臺察覈會

題等因奉批仰候督撫部院批示具報以憑會
題繳結存等因又奉總督傅部院批該本道詳同
前事奉批仰候總漕部院安徽撫院覈奪會
題繳各結存案等因又奉安撫江都院批該本道
詳同前事奉批嚴羅陳漕船至東流縣烏石磯
遭風沉溺已據池州府查明詳報取結在案俟
催取各結到齊覈明會

題仍候總督漕部院批示繳結存查各批行到道
奉此相應備錄詳報伏候院臺覈奪會
題等因呈詳到臣事關漂沒船糧恐有不確混規

又經批行該道再一詳查去後今據該糧道詳稱奉臣批該本道呈詳前事蒙批嚴羅陳漂沒米石有無混規該道再一詳查加具確實看語限文到三日內詳報立等具

題毋得遲延繳結發回批行到道奉此該本道覆查得重運船糧大江失風漂患例應查勘確實取具地方文武結狀通詳具

題豁免此定例也今查吉安所三十一號旗丁嚴羅陳運丁陳斌玉漕船一隻領運江西省吉水縣康熙二十八年起運二十七年分秋糧共裝

兌改正耗平米一千八石案據池州府并東流縣報於康熙二十八年正月二十一日行至該縣烏石磯地方江中陡遭怪風撞碎船底卽時沉沒船無寸板米無顆粒溺死攔頭張信外水張祥許明舵妻羅氏男婦共四名口實屬天意非人力所能挽救等情遵經取具地方文武各官結狀本道覆覈與例相符是以具文通詳會題今奉院批嚴羅陳漂沒米石有無混規該道再一詳查加具確實看語詳報等因遵查船糧漂患原以文武官弁印結爲憑今查池州府縣并

該管安慶營各具並無撈救詐冒乘機侵盜虛
捏謊報等弊日後查出願甘坐罪印結則是並
無捏混情由明矣擬合遵照加看同原送各結
一併詳報伏候院臺鑒覈會具文
題等因到臣該臣看得贛州衛兼攝吉安所運官
馬負瑞下旗丁嚴羅陳運丁陳斌玉漕船一隻
領兌吉水縣康熙二十八年起運二十七年分
兌改正耗平米一千零八石於本年正月二十
一日申時行至東流縣烏石磯地方江中陡遭
怪風撞碎船底卽時沉沒船無寸板米無顆粒

溺死攔頭張信外水張祥許明船妻羅氏男婦
共四名口經前總漕臣馬世濟檄行江安糧道
確查取結在案及臣莅任接管據該糧道呈詳
臣查關係漂沒船糧恐有混捏又經批行該道
再一詳查去後今據該糧道叅政周訓成詳稱
船糧漂患原以文武官弁印結爲憑今查池州
府縣並該管安慶營各具並無撈救詐冒乘機
侵盜虛捏謊報等弊甘罪印結是並無虛捏等
因前來查係江中漂患溺死人口與例相符應
請豁免除原結送部查覈外臣謹會同江南江

西總督臣傅臘塔安徽巡撫臣江有良合詞具

題伏乞

勅部議覆施行康熙二十八年六月初九日

題

題承追婁縣十八年揚倉少折未完

題為察覈通庫收支錢糧以清混冒事據護理蘇

常糧道事蘇州府知府胡世威詳稱案奉前任

總漕馬部院牌開康熙二十八年二月十二日

准戶部咨雲南清吏司案呈戶科抄出總漕馬

世濟題前事康熙二十七年十二月初六日題

二十八年正月二十日奉

旨張玉柱等著議處具奏該部知道欽此欽遵於本

月二十一日抄出到部奉此查得先經原任總

漕慕天顏咨稱婁縣解康熙十八年分揚倉米

八百二十七石每石六錢折銀四百九十六兩
二錢於二十三年解准本部以淮庫冊內雖已
收訖但每石少折銀三錢行令增補報部去後
今總漕馬世濟疏稱前項少折米價銀兩迄今
毫無完解則婁縣署事本府通判張玉柱接任
知縣廖慶辰怠玩之咎不敢爲寬相應

題叅等因前來應將婁縣署事本府通判張玉柱
等交與吏部議處其少折米價銀兩速催增補
報部可也爲此合咨前去查照施行等因移咨
到部院准此擬合就行仰道查照來牌並准部

咨事理卽將婁縣少折米價銀兩作速增補具
文詳報以憑覆部等因到道奉此案經前道錢
叅議轉行松江府勒催增補去後本護道接署
之後又經節次嚴催今據該府詳稱婁縣康熙
十八年揚倉少折遵經嚴督該縣增補節次勒
追乃該縣惟以遵照全書編徵完解掣有批廻
萬難復行增補爲辭屢經駁提仍無完補合將
現任承追不力知縣廖慶辰職名開報現在聽
候轉叅等情前來據此該本護道查得婁縣康
熙十八年揚倉少折稟奉部駁遵行松府勒催

無柰婁縣堅以遵照全書編徵完解斷難復令
增補爲辭茲據該府將原叅婁縣承追不力之
現任知縣廖慶辰職名詳報前來今應復叅相
應開列轉叅伏候院臺覈明

題叅以做積玩等因到臣該臣看得婁縣康熙十
八年分揚倉米八百二十七石每石少折銀三
錢毫無完解經前總漕臣馬世濟將婁縣署事
通判張玉柱等

題叅部覆少折米價銀兩速催增補報部當經前
總漕臣馬世濟檄行蘇常糧道遵照在案及臣
莅任接管又經行催今據護理蘇常糧道事蘇
州府知府胡世威詳稱婁縣康熙十八年揚倉
少折凜奉部駁遵行松府勒催無柰婁縣堅以
遵照全書編徵斷難復令增補爲辭茲據該道
將婁縣承追不力復叅職名開報前來則原叅
婁縣現任知縣廖慶辰限滿承追不力之咎臣
不敢爲之寬也相應

題叅伏乞

勅部議覆施行康熙二十八年六月初九日

題

題承追婁青二縣十三年揚倉少折未完

題爲察覈通庫收支錢糧以清混冒事據護理蘇
常糧道事蘇州府知府胡世威詳稱案奉前任
總漕馬部院牌開康熙二十七年十一月二十
日准戶部咨開雲南清吏司案呈戶科抄出總
漕馬世濟題前事康熙二十七年十月初五日
題本月二十一日奉

旨張玉柱等著議處具奏該部知道欽此欽遵於本
月二十二日抄出到部奉此查得先經原任總
漕慕天顏咨稱蘇松等府康熙十三年分續完

漕項錢糧案內松江府屬揚倉米二千八百四
石五斗五升零每石六錢折銀一千六百八十
二兩七錢二分零於二十二年解淮本部以淮
庫

奏銷冊內雖經收訖但每石少折銀三錢行令增
補報部去後今總漕馬世濟疏稱前項少折米
價銀兩定限已滿仍無完報則署婁縣事松江
府通判張玉柱署青浦縣事松江府同知陳禹
謨承追不力之咎難辭相應
題叅等因前來應將署婁縣事松江府通判張玉

柱署青浦縣事松江府同知陳禹謨交與吏部
議處其少折米價銀兩速行增補報部可也爲
此合咨前去查照施行等因移咨到部院准此
擬合就行仰道查照來牌并准部咨內事理卽
將前項米價少折銀兩速行增補詳報以憑咨
覆毋違等因奉此遵卽轉行松江府督催增補
去後節檄嚴催今據該府詳稱遵行婁青二縣
將前項少折銀兩速行增補詳報去後節檄頻
催仍無完報今此案又值限滿而婁縣知縣廖
慶辰青浦縣知縣張庚承追不力之咎難辭合

行開造職名詳報伏候轉詳

題叅等情到道據此查得婁青二縣少折康熙十

三年分揚倉米價銀兩內婁縣原解揚倉米一

千三百六十石八斗三升少折銀四百八兩二

錢四分九釐青浦縣原解揚倉米一千四百四

十三石七斗二升九合零少折銀四百三十三

兩一錢一分零前道遵奉部文節檄督催增補

不啻穎禿唇焦豈今又滿部限仍無完報合將

松江府開報承追不力初叅婁縣接徵知縣廖

慶辰初叅青浦縣接徵知縣張庚職名開明詳

報聽候院臺覈奪

題叅等因到臣該臣看得蘇松等府康熙十三年

分續完漕項錢糧案內松江府屬揚倉米二千

八百四石五斗五升零折銀一千六百八十二

兩七錢二分零少折米價銀兩限滿無完經前

總漕臣馬世濟將署婁縣事松江府通判張玉

柱等具疏

題叅部覆少折米價銀兩速行增補報部當經前

總漕臣馬世濟檄行蘇常糧道在案及臣莅任

接管又經行催今據護理蘇常糧道事蘇州府

督漕疏草 卷之三
知府胡世威詳稱婁縣原解揚倉米一千三百六十石八斗三升少折銀四百八兩二錢四分九釐青浦縣原解揚倉米一千四百四十三石七斗二升九合零少折銀四百三十三兩一錢一分零節檄督催增補豈今又滿部限仍無完報將承追不力婁縣接徵知縣廖慶辰青浦縣接徵知縣張庚初叅職名開報前來則婁縣接徵知縣廖慶辰等承追不力之咎臣不敢爲之寬也相應

題叅再照臣於本年四月初一日莅任接管合併

聲明伏乞

勅部議覆施行康熙二十八年六月初九日
題

題造二十六年奏冊怠玩職名

題爲察覈通庫收支錢糧以清溷冒事竊照漕項
錢糧例應三月內

奏銷今查漕屬康熙二十七年起運二十六年分
隨漕輕齎行月減存等項錢糧收支完欠數目
奏銷文冊各該糧道倉司府州俱於前漕臣馬世
濟任內造送在案但前漕臣馬世濟因奉

旨回旗一應

奏銷各冊俱未覈筭及臣於本年四月初一日受
事查閱文卷綜覈各項

奏銷細繹各冊內開欵項多有不符事關

奏銷錢糧臣不敢草率輕忽除一面嚴行駁查去

後又經行催除查各屬有續送到文冊現在磨

覈如無舛錯不符者覈明分疏具

題外今查有江南省蘇常糧道及徐州倉經臣前

行駁查各冊迄今仍未造送則護理蘇常糧道

事蘇州府知府胡世威管理徐州倉徐州知州

王永清等難辭怠玩之咎相應

題叅其未到各冊除現在嚴催俟造報至日覈明

另疏具

題外合併陳明臣謹具

題伏乞

勅部議覆施行康熙二十八年六月初九日

題

奏銷二十七年填用火牌

奏爲遵例

奏繳郵符事案准兵部咨爲請

旨事車駕清吏司案呈奉本部送兵科抄出該本部
題前事等因康熙六年六月二十日題本月二
十二日奉

旨依議欽此欽遵抄出到部奉批駕司照行送司奉
此相應知照案呈到部擬合就行爲此合咨前
去煩爲查照本部

題奉

旨內并黏抄事理欽遵施行黏單內開漕運總督催
償漕儲一年應給火牌五十張如可減省務須
節用等因欽遵在案又於康熙十五年五月十
六日准兵部密咨爲敬陳減差節費之法以裕
軍需以甦驛困事車駕清吏司案呈該本部等
衙門覆安徽巡撫靳輔密題前事等因康熙十
五年四月十三日題本月十六日奉

旨依議坐塘及內外差遣人員如有不遵定例需索
騷擾等弊事發從重治罪決不饒恕欽此密封
到部送司奉此相應移咨爲此合咨前去煩爲

查照本部等衙門密覆奉

旨事理轉行所屬一體欽遵施行黏單內開會議應
給火牌十張以上者十張內減去六張止給四
張等因欽遵在案該臣看得填用火牌例應按
年

奏繳除康熙二十六年分用過火牌已經前總馬
臣馬世濟遵例

奏繳外今將康熙二十七年正月日起至十二月終
止差遣官承齎

奏本章填用過火牌字號官承姓名口糧馬匹數

督漕疏草 卷之三
目備造管收除在清冊投送部科查覈并將填
用過火牌照例移繳兵部外謹繕黃冊恭呈
睿覽伏乞
二十六年五月二十二日奉

勅部查覈施行康熙二十八年六月十七日
題

題承追徐倉二十四年行月錢糧限滿

題爲察覈通庫收支錢糧以清溷冒事據管理徐
州倉徐州知州王永清詳稱奉前任總漕慕部
院牌開康熙二十六年十一月十九日准戶部
咨雲南清吏司案呈奉本部送戶科抄出總漕
慕天顏題前事等因康熙二十六年十月初四
日題本月十九日奉

旨該部知道欽此欽遵於本月二十日抄出到部查
得先經署理漕務總河靳輔將徐倉康熙二十
四年分行月錢糧造冊

奏銷本部以未完銀四千五百四十五兩六錢應
速行徵完報部其該倉督催未完官員職名行
令該督

題叅去後今總漕慕天顏將經催原管徐倉徐州
知州臧興祖等職名造冊具

題前來應將冊開未完不及一分經徵徐州陞任
知州臧興祖接催現任知州遲熯未完二分以
上者接催署徐州印豐縣知縣李振交與吏部
議處其未完銀兩速行催完報部可也等因到
部院准此擬合就行爲此牌仰該州官吏查照

部咨事理卽將康熙二十四年分未完銀兩作
速催完解部具文詳報以憑咨部毋遲等因蒙
此該卑州查得此案於康熙二十六年十一月
十九日奉到部文起已滿年半之限所有前任
知州遲熯任內於康熙二十六年完解銀二百
三十兩沛縣完解銀一千二百兩彙在全河已
歸等事康熙二十六年

奏銷案內扣減支剩裁扣等銀一萬三千一百一
十四兩零數內填具徐字四百六十號批差解
官張祥於康熙二十八年二月初九日解赴戶

部交納外又遲知州於康熙二十七年夏季內完解銀四百四十六兩五錢四分又接催署印沛縣知縣梁文炳於康熙二十七年夏季內完解銀一千八百兩二項銀兩彙在欽奉

上諭事案內扣減等銀四千五十兩九錢八分零數內填具徐字四百六十一號批差解官張祥於康熙二十八年二月初九日解赴戶部交納外卑州任內於康熙二十七年秋季內完解銀二百兩彙在全河已歸等事案內扣減等銀八百一十兩數內填具徐字四百六十二號批差解

官張祥於康熙二十八年二月初九日解赴戶部交納外尚未完銀六百六十九兩六分於康熙二十八年二月二十五日奉

上諭內開江南全省節年民欠一應地丁錢糧屯糧蘆課米麥豆雜稅俱與蠲除緣由遵奉在案查此案未完減存銀兩係在地丁錢糧內拖欠未完之項自應一體邀

恩蠲除卑州未敢擅便合懇本部院俯賜咨部等因詳奉本部院批開漕項錢糧不在

上諭蠲免之內仰將未完各官遵照新准部例某係

上諭初叅某係復叅或係已經叅過或係未經叅過開列已未完分數備造清冊星馳詳報立等

題叅如再諉延定將該州職名先行指叅繳冊發回等因批行到倉蒙此卑州遵蒙院批查得徐倉督催康熙二十五年起運二十四年分原叅未完銀四千五百四十五兩六錢計該未完分數三分三釐內經催前陞任臧興祖未完九釐三毫九絲四忽接催署印豐縣知縣李振未完二分一釐八毫三絲又接催前任知州遲焞未完一釐七毫七絲六忽三官任內計筭共未完

三分三釐於康熙二十六年十一月十九日奉到部文起迄今已滿年半之限經催前任知州遲焞任內自康熙二十六年十一月十九日起至二十七年六月初一日止計一百九十三日該接催銀一千六百二十四兩六錢三分一釐計該分數一分一釐八毫續於康熙二十六年十月內豐縣完解撥補徐州廣運缺額麥折銀二百三十兩又沛縣完解銀一千二百兩在於全河已歸等事案內起解康熙二十六年奏銷案內扣減裁扣等銀一萬三千一百一十四

兩零數內填具徐字四百六十號批差解官張祥等於康熙二十八年二月初九日解赴戶部交納又遲知州於二十七年夏季內完解銀四百四十六兩五錢四分於欽奉

上諭事案內同遞減折價并扣減等銀四千五十兩九錢八分零數內填具徐字四百六十一號批差解官張祥於康熙二十八年二月初九日解赴戶部交納外查前任知州遲熯限內帶催銀兩全完外溢完銀二百五十一兩九錢九釐計完分數一釐八毫又接催署印沛縣知縣梁文

炳任內自康熙二十七年六月初二日起至七月二十九日止計五十八日該接催銀四百八十八兩二錢三分一釐計該分數三釐六毫續於康熙二十七年夏季內完解銀一千八百兩於欽奉

上諭事案內彙同遞減折價扣減等銀四千五十兩九錢八分零數內填具徐字四百六十一號批差解官張祥於康熙二十八年二月初九日解赴戶部交納外查署印沛縣知縣梁文炳帶催銀兩全完外溢完銀一千三百一十一兩七錢

六分九釐計該分數九釐四毫卑州任內自康熙二十七年七月三十日到任起至康熙二十八年四月十八日止連閏計二百八十九日該接催銀二千四百三十二兩七錢三分八釐計該分數一分七釐六毫內除前任知州遲煊任內溢完銀二百五十一兩九錢九釐計完分數一釐八毫又署印沛縣知縣梁文炳任內溢完銀一千三百一十一兩七錢六分九釐計完分數九釐四毫以上二官任內共溢完銀一千五百六十三兩六錢七分八釐共完分數一分一

釐二毫除抵完銀兩分數外止未完銀八百六十九兩六分計該分數六釐四毫內於康熙二十七年秋季內完解察覈通庫等事案內康熙二十五年起運二十四年分河南幫停運減存月糧銀二百兩於全河已歸等事案內同扣減等銀八百一十兩數內填具徐字四百六十二號批差解官張祥於康熙二十八年二月初九日解赴戶部交納外尚有未完銀六百六十九兩六分接催現任徐州知州王永清任內已完一釐四毫未完五釐未經叅過係初叅今蒙前

因遵照部例分晰造冊詳報伏候本部院具
題等因到臣該臣看得徐倉康熙二十四年分行
月錢糧未完銀四千五百四十五兩六錢前任
總漕臣慕天顏將經催原管徐倉徐州知州臧
興祖等未完分數職名具疏
題參部覆未完銀兩速行催完報部等因經前總
漕臣慕天顏檄行該倉遵照在案及臣蒞任接
管又經行催先據該倉呈詳未完銀兩援
上諭蠲除臣查
上諭內未有蠲免漕項字樣復經批駁確查去後今

據管理徐州倉徐州知州王永清詳稱徐倉督
催康熙二十五年起運二十四年分原參未完
銀兩於康熙二十六年十一月十九日奉到部
文起迄今年半之限已滿尚有未完銀六百六
十九兩六分將接催已未完分數并王永清初
參職名造冊詳報前來則接催現任知州王永
清承追不力之咎臣不敢爲之寬也除原冊送
部查覈外相應

題參再照臣於本年四月初一日蒞任接管合併
聲明伏乞

勅部議覆施行康熙二十八年六月十七日

題 參再照引欵本平四月時一日益升對音合

清查糧米

南

參

十

題承追長洲等十八年漕項增補各欵限滿

題爲察覈通庫收支錢糧以清混冒事據護理蘇

常糧道事蘇州府知府胡世威詳稱案奉前總

漕幕部院牌開康熙二十七年二月二十二日

准戶部咨雲南清吏司案呈准總漕慕天顏咨

前事查得先經總漕將蘇松等府康熙十八年

分漕項錢糧案內各欵咨報本部行令查明催

解去後今總漕慕天顏咨覆前來一十八九年

分長洲等縣解淮米二千七百六十九石一斗

五升零折銀二千六百六十一兩四錢九分零

麥七百五十二石二斗六升零折銀三百九兩
零先因米每石少折銀三錢麥每石少折銀一
錢行令增補報部今稱少折米麥價銀已於酌
議軍民兩便案內咨部請銷等語查前項少折
價銀已於酌議軍民案內行令增補在案應令
該督速行增補報部一淮安衛二幫扣完行糧
銀三兩六分零麥七石六斗五升零折銀三兩
八錢二分零先令速催附搭解部今稱爲數無
幾應俟便員搭解等語應令速催附搭解部一
撥給蘇州等衛運軍米七百九十三石一斗零

先令於帶徵年限案內催完報部今稱於帶徵
之年追完報部等語應令於帶徵年限案內催
完報部一十九年分動墊購米未完銀四萬八
千五百一十八兩六錢零先經江撫田雯於檢
舉從前等事案內咨請緩徵本部行令將承追
官

題叅銀兩作速追完在案應仍令該撫將此項銀
兩作速追完其承追官仍應

題叅可也爲此合咨前去查照施行等因移咨到
部院備行到道當該前護道事單知府及錢前

道備具登咨詳覆去後節奉前馬部院將撥給
貼運一欵批行駁查并奉先行咨明大部續於
康熙二十七年十月二十四日奉前馬部院牌
開康熙二十七年十月十一日准戶部咨開雲
南清吏司案呈查得先經總漕慕天顏將蘇松
等府康熙十八年分漕項錢糧案內各欵咨報
本部將不符欵項行令查明催解去後今總漕
馬世濟咨稱前項撥給貼運米石并增補米麥
價值各欵尚未登咨明白俟造報到日另行咨
覆等因前來應令該督速行查明報部可也爲

此合咨前去查照施行等因移咨到部院備行
到道奉經錢前道又具登咨冊於康熙二十七
年十二月十五日詳奉前馬部院批開查蠲免
係康熙十七年以前錢糧今冊內係康熙十八
年之項雖稱因康熙十四等年欠結貼運米石
於康熙十八年減存撥給但從前有無免過成
例未據聲明仰照冊內粘簽再一確查明白併
將應叅職名備造清冊詳報以憑咨

題毋得遲延取咎繳等因奉此該本護道查得此
案奉催各欵緣由另行造冊登明現在其未增

補米麥價銀節次行催今已限滿仍無查補所
據蘇州府申報初叅長洲縣現任知縣劉玠松
江府申報婁縣初叅前任革職知縣史彬初叅
接署本府通判張玉柱初叅現任知縣廖慶辰
上海縣初叅前任革職知縣王鏊初叅接署蘇
州府通判李世敬初叅現任知縣朱萬錦常州
府申報靖江縣初叅接追知縣黃起詔各遲悞
職名伏候院臺覈奪咨

題等因到臣該臣看得蘇松等府康熙十八年分
漕項錢糧案內部文行令催解增補各欵經前

總漕臣馬世濟檄行蘇常糧道遵照去後續因
各欵尚未登荅明白又經前總漕臣馬世濟一
面批駁一面先行咨明戶部在案及臣莅任接
管節次行催今據護理蘇常糧道事蘇州府知
府胡世威詳稱此案奉催各欵另行造冊登明
其未增補米麥價銀節次行催今已限滿仍無
查補將長洲縣現任知縣劉玠婁縣前任革職
知縣史彬接署本府通判張玉柱現任知縣廖
慶辰上海縣前任革職知縣王鏊接署蘇州府
通判李世敬現任知縣朱萬錦靖江縣接追知

縣黃起詔各初叅職名開報前來則長洲縣現任知縣劉玠等承追不力之咎臣不敢爲之寬也除原冊送部查覈外相應

題叅再照臣於本年四月初一日莅任接管合併聲明伏乞

勅部議覆施行康熙二十八年六月十七日

題

奏銷二十六年浙江漕項錢糧

題爲察覈通庫收支錢糧以清混冒事案准戶部咨開漕項錢糧如輕賚等項在總漕者應總漕於年終

奏繳等因

題奉

欽依咨行在案又於康熙三年正月二十九日准戶部咨開查應解淮徐臨德四倉糧銀運官發南追比漕欠并輕賚及蓆銀板木本折錢糧出運行月減存行月銀米贈米過湖淺船倉米銀副

米此等各項錢糧俱各作十分原照順治十八年
題定一應未完錢糧例議處今議應解徐淮臨德
四倉錢糧并運官掛欠發南追比漕糧並無增
添歸併仍應照前例遵行其一應隨漕輕賚等
項錢糧俱取在地畝內銀米支用備辦不必各
作分數應總作十分照各部會議所定
新例處分等因

題奉

俞旨咨移通行在卷又於康熙四年十月二十三日

准戶部咨開查得先經臣部將漕糧項下一應
錢糧總作十分考成議定覆奉

旨遵行在案今總漕林起龍疏稱淺貢錢糧運官廩
工與民七軍三料銀又徵民六升米折之項及
蘇松等處協濟壽淮揚鎮等倉行月銀米俱係
漕項錢糧總作十分考成等因前來應如總漕
所議於年終一併造入

奏銷冊內考成可也等因奉

旨依議欽遵移咨在案又於康熙十七年十月十二
日准戶部咨開各省漕項錢糧彙入一疏

奏銷查筭甚屬繁劇嗣後各糧道所屬錢糧俱各
疏具

題等因奉

旨遵照在案除各屬康熙二十六年起運二十五年
分輕賚減存等項錢糧業經前總漕臣慕天顏
及前總漕臣馬世濟節次具

題外今照康熙二十七年起運二十六年分漕項
錢糧例應分疏三月內

奏銷經前總漕臣馬世濟檄行各該糧道倉司遵
照造報去後因前漕臣馬世濟奉

旨回旗未經查筭具

題及臣於本年四月初一日蒞任接管臣查漕項
錢糧隸在各糧道倉司等衙門造冊報銷其中
頭緒繁多欸項叢沓如有舛錯不符者必須駁
查明確斷不敢草率輕忽除有未確各冊批駁
查覈又經送到者現在磨覈俟查確另

題外今查據浙江糧道叅議劉曉將康熙二十六
年分漕項錢糧造冊到臣該臣看得浙江糧道
康熙二十七年起運二十六年分漕項錢糧據
冊開實徵輕賚蓆木行月灰石漕截等項共銀

六十五萬六千九百八十九兩七錢二分一釐
零內解倉場并支給官丁共銀五十四萬四千
六兩三錢七分四釐六毫零存貯銀一十一萬
二千九百八十三兩三錢四分六釐八毫零本
色行月米四萬一千九百二十五石四斗五升
五合零俱經撥給官丁訖將解給存貯數目冊
報前來除原冊送部查覈外相應具

題再照臣於本年四月初一日蒞任接管合併聲
明伏乞

勅部覈覆施行康熙二十八年六月十七日

題

題劉崇文被盜疎防文武職名

題爲沛邑莊村被劫特叅疎防文武各官事康熙二十八年五月二十日據江蘇按察司按察使高承爵詳稱康熙二十八年三月十三日據沛縣詳稱康熙二十八年正月二十七日據劉崇文稟爲賊盜打劫事內稱本月二十六日夜至二更有賊船二隻上莊進院將身家私等物劫搶一空又索銀錢火燎棍打遍體著傷恐身喊叫嘴刺一刀幸得隣佑蔡補等救護捉獲賊船一隻賊人三名事關賊情不敢不報叩乞嚴審

正法追贓正刑庶地方寧靜上稟計開失物小
紅紬襖一件粗藍布裏藍紬衫一件紅白裙二
條藍粗布夾襖一件藍細布單袍三件白粗布
單袍三件藍白粗布二疋月白細布夾襖一件
白粗布裏宮碗十二個藍粗布夾襖一件綿藍
布被二床藍裏藍綿被一床白布裏白藍布衫
六件白紬裙一條銅鏡一面白藍褲六條大白
布衫一件蚊帳三頂藍布夾襖一件綿粗布白
襪一雙月白絲帶一付青藍細布鞋二雙制錢
一千五百桃紅紬夾襖一件白科素裏藍粗布

綿袍一件藍裏各等情到縣又據典史張祥呈
報同前事呈稱本月二十七日據劉崇文稟爲
盜賊打劫事等情到職據此事關盜案現獲賊
三名船一隻卑職未敢擅專所有原具呈詞擬
合具文呈報等情到縣據此該卑縣看得洪溝
地方朱家莊居民劉崇文家坐落昭陽湖內四
圍俱水忽於本年正月二十六日夜間有匪類
數人撐駕小船二隻乘夜到莊推門入室劫去
衣物等件隨有隣莊民人蔡補等趕逐追獲賊
船一隻劫賊三名並未傷人呈報到縣除現在

審訊確供另文詳報一面給批嚴緝逸賊外事
關盜案擬合將地方事主原呈失單先行詳報
等情到司當經本司批開仰徐州確查強劫情
形盜賊實數開列應叅疎防各職名一併查明
報叅所獲各犯嚴審確擬妥招解報仍照例通
詳繳等因批行去後案照先於本年二月二十
七日蒙總督傳部院牌開康熙二十八年二月
十四日據徐州營副將侯奇呈據右軍守備樊
述英呈據防守沛縣把總楊應魁呈稱本年正
月二十七日據劉崇文稟爲賊盜打劫事本月

二十六日夜至二更有賊船二隻上莊進院將
身家私等物劫搶一空又索銀錢火燎棍打遍
體著傷恐身喊叫嘴刺一刀幸得隣佑張補等
救護捉獲賊船一隻賊人三名事關賊情叩乞
嚴審正法等情并開失單轉報到部院據此合
行查叅仰司卽將劉崇文家被盜劫掠一案立
提現獲各犯究審是何姓名同夥實有幾人各
執何等器械失主被傷曾否平復逐一查審明
確開列疎防各職名通詳覈叅仍將未獲餘黨
某某真實的名嚴飭應捕員役勒緝務獲毋得

籍端滋擾隣佑失主致干重咎未便速等因
又奉前任總漕馬部院批據沛縣呈詳前事奉
批仰江蘇按察司將獲盜立速研審究擬并查
上盜情形疎防文武各職名通詳會叅繳等因
又於本年三月二十三日奉總督傅部院批據
沛縣詳同前事奉批仰江蘇按察司遵照前檄
卽提現獲各犯確審真情究追餘黨嚴飭緝獲
查取職名詳報覈叅仍候漕撫部院批示繳等
因又蒙江撫洪都院批據該縣詳同前事奉批
仰按察司確查強劫情形賊夥實數取職名報
叅仍候督漕二部院批示繳等因又奉總督傅
部院批據淮徐道詳同前事奉批仰江蘇按察
司查審明確開列職名通詳報叅繳又蒙江撫
洪都院批據淮徐道詳同前事蒙批仰按察司
遵照前批確查報叅仍候督漕二部院批示繳
等因到司奉此隨經備移淮徐道并行徐州將
獲盜確審上盜情形夥賊確數開列應叅疎防
文武各職名緝拿逸盜去後節經嚴催今據徐
州王知州詳稱行據沛縣詳稱隨將拿獲賊犯
三名并傳地隣失主到縣逐一隔別審訊問失

主劉崇文你住在那一鄉離縣多少路那賊來打劫你是那一日你將被盜情形賊賊數目一說來回供小的住居洪溝地方湖內朱家莊後邊離縣二十里路莊上止有小的叔姪兩家四圍俱是湖本年正月二十六日有二更時候有賊船上莊把小的籬笆門子掀開進去把小的拿住細了著苦漿草點火燎小的拿去制錢一千五百衣服東西甚多小的記不清現有失單開得明白又問或是撞門或是爬牆怎麼進去的就把你拿住了有無傷人可曾焚燒房屋

逐一說來回供小的湖坡裏人家原沒有墻院止有一層破草房一重籬笆門遮蔽風雨可以一掀就進去的止拿住小的一個燎了其外並無傷人也没燒房又問那賊拿的甚麼器械怎麼樣拒敵拿住了這三個賊呢回供彼時小的莊上人一齊喊叫就驚醒了隣莊蔡補等撐船來到救護那賊把小的嘴上刺了一刀賊就跑了小的們同著蔡補等追赶現有兩個賊船內中那一個船上有五個人盪漿撐篙如飛的去了一這一隻拿獲的是個破船止有三個人撐得

不快就被趕上了拿器械來拒敵小的們也攬了他兩鎗船就不能動了被小的們拿住了捉獲賊人三名船一隻那夥賊拿的是山棍窩刺刀子因爲他燎得小的苦極小的拿住了也打了幾下子小的不敢欺瞞問你嘴上傷痕已驗過了那燎的傷痕在何處可致命麼回供燎的是小的腓臀上也還不致傷命又問賊船往那一方走你們趕了多遠拿住的這船上拿獲的贓物器械呢回供賊船往東南走趕有一箭地遠趕上的有宮碗十二個鏡子一面是打劫

小的家的贓器械止有張廣星拿的山棍一根宋純拿的竹篙現在那王世祥拿的窩刀與別的器械不見了想是在那一個船上去了求審問這當場拿獲三個賊就明白了問地方張都那劉崇文家被盜你爲何不救援呢回供小的與劉崇文家相隔有七八里路俱是湖坡非船不行叫小的怎麼救援及天明二十七日他來對小的說他家失事還被他隣莊蔡補拿住賊人三名船一隻小的隨同他來縣呈報的問蔡補你是劉崇文家隣佑麼相隔他有許多遠那

賊如何上盜是你怎麼樣救護追赶拿住的回
供小的在南莊住將有半里路二十六日夜裏
聽的他莊上喊叫小的衆人起來撐船救護那
賊撐船跑了小的衆人趕去一個船上人多撐
著跑了這船上人少就赶上了那賊就來拒敵
小的們急了就把那賊刺了兩鎗然後拿住的
賊物船隻器械賊人三名俱交付失主同來呈
報的又問你赶了多遠同著幾個人去的有無
被傷呢回供赶不多遠就在莊子相近一箭來
的同去的是小的同劉三美劉國玉劉崇標失

主劉崇文共五個人他們拿的竹篙打來也沒
有傷人因這個船撐不快纔赶上拿的又問既
然赶上了爲什麼只拿這一個船呢那隻船撐
往那裏去了呢回供小的們止撐得一隻船拿
住了這船就不能再赶了況且他那一隻船上
四五個人撐的飛快也赶上及至把這三個
賊送到岸邊那船已去遠了這是實情問賊犯
王世祥你是那裏人你把打劫劉崇文家一夥
共有幾個人叫什麼名字在那裏約會聚齊那
個爲首逐一供來回供小的叫王世祥住在徐

州灣上河東宋家莊地方來沛縣賣柴回去遇著宋純張廣星這幾個人說是沒得吃去尋些糧食吃又問是那一日在何處遇著宋純的回供正月十七日在船上遇著相約二十三日在夏鎮齊連到二十六日夜裏方去打劫的那日是小的說起劉家是我親戚我曉得他家裏有糧食有宋純展玉朱騰宇張五陳子位宋純還叫他兄弟宋澤宋三跟著共是八個人有二更天上他莊子去打劫的朱騰宇宋三宋澤展玉陳子位見他有人救護將東西船上船先撐了

跑了小的們三人這個船發漏撐不快就被拿住了又問你賊夥拿的甚麼器械劫的是甚麼財物呢實實供來回供陳子位拿的鍬棍宋純拿的是竹篙還有五根山棍是小的同宋純在夏鎮買的是朱騰宇們拿著劫的衣服物件都在那好船上他五人先撐跑了小的被他拿住了不曉得是甚麼東西把這五人拿獲賊物就有了又問你拿的器械呢回供小的原拿的是窩刺刀子又問那未獲的五個賊的住址呢回供朱騰宇住在劉昌莊河南陳子位住在草廟

西邊有二里路宋澤宋三展玉俱在宋純一莊
住又問你是當場拿獲的互相撞擊有無被傷
呢回供張廣星被他刺了一鎗小的們多被他
一頓棍打倒了身上現有傷痕這是實話問宋
純你住在那裏叫甚麼名字你把打劫劉崇文
家的夥賊數目約會日期細細說來回供小的
住在時家樓灣上名字叫宋純打劫劉家是朱
騰宇陳子位張五卽是張廣星王世祥連小的
五個人小的又叫了兄弟宋澤宋三傭工的展
玉一總共是八個人去的是王世祥爲首的正

月十七日約會二十三日齊集直到二十六日
夜有二更天上莊去把他家門推開進去打劫
他的後來隣莊救護他們五人拿著東西衣服
先撐船跑了小的船上並沒拿他的東西因就
被赶上拿獲了也沒有分贓止有張廣星帶了
他一面鏡子十二個宮碗又問那五個賊住在
那地方呢回供宋澤宋三展玉都住在小的莊
上朱騰宇住在劉昌莊河南陳子位住在草廟
西邊有二里路又問你們用的器械呢回供有
五根山棍一把窩刺刀子一根鍍棍總是他們

拿著小的拿的就是撐船竹篙小的並未得贓求詳察罷又問是那個燎灸失主的呢你們拿獲時曾拒敵麼回供是張廣星朱騰宇燎他的他們失主隣佑趕上來把小的們打倒就拿來小的身上現有傷痕不曾拒敵是實問張廣星你就是張五麼住在那裏你把相約上盜情由夥盜名姓逐一供來回供小的是滕縣人八里屯住名字叫張五又叫張廣星每日拾柴往夏鎮賣正月十七日與王世祥相遇說起來沒糧食吃他說劉崇文家是我親戚啣去扒他幾斗

糧食吃二十三日齊連二十六日夜同朱騰宇王世祥宋純宋澤宋三展玉陳子位有二更天劫搶他去拿他幾件衣服那五人先撐船走了小的三人被他拿住了小的原私下拿了他一面鏡子還有十二個宮碗別的俱是他們拿去了又問那個燎灸失主的衆人拿的什麼器械回供燎他是小的同朱騰宇他們拿的器械是五根山棍一把窩刺刀子小的拿的一根山棍別的也有拿竹篙山棍的又問是你燎人必曉得拿去了多少什麼衣服錢物回供衣服有幾

香河縣志 卷之三
件倉惶中也不仔細必竟拿住別人方曉得小的這樣大年紀了不合聽了王世祥的話做這件事被失主趕來拿獲的時節刺了一鎗打了幾棍如今鎗傷發作病重了不能細供待小的畧好些再審罷等情供吐在案覆驗得失主劉崇文嘴有一小刺刀傷痕一處兩臀上有火燎傷痕賊犯王世祥宋純張廣星三人身上俱有棍傷張廣星右腿有鎗傷一處等情據此該沛縣知縣梁文炳看得朱家莊居民劉崇文家被盜一案前據地方並失主解送當場拿獲盜犯

三名到縣卑職當經先行通詳各院在案隨將解到賊犯王世祥宋純張廣星逐一研訊據供係王世祥爲首會約夥盜共係八人訊其各賊姓名住址並上盜情由歷歷供吐合之失主隣佑所供被劫拿獲情節俱各相符但查失單所開衣物甚多今拿獲船內止有鏡子宮碗二宗恐有隱飾再三詰訊堅供因見隣莊救援各賊將所劫之物裝入好船先回遺此破船致被拿獲原無衣物在內卽鏡碗等件亦係張廣星私下所取之物至於三犯身上俱有棍傷而張廣

星鎗傷特甚詰係當場格鬪時所傷除將各犯
監候現獲贓物令失主當堂認明同器械貯庫
訖賊船取具地方收管外此三犯係失主隣佑
當場拿獲確係真賊火燎劫財是應照強盜律
擬罪卑職未敢擅便擬合備叙審過確供詳請
據此卑州正在具詳申報間又據該縣詳稱隨
於二月初三日據陳德稟爲迫誘良民爲盜據
實首報事切身年七十八歲止有幼子陳子位
莊農生理素行並無不端鄉長隣里盡知忽於
正月二十五日被身女婿宋二假以身女大病

不起撐船邀著行至湖中突又有來船一隻夥
行作一生意身子堅執不允衆喊殺死推下水
底身子畏懼隨至劉家莊股栗衆與衣服一件
穿身臨行身子仍脫交還失主口叫青天念佛
而出實無贓據但事關盜賊迫誘良民打劫重
情相應舉報叩乞研審緝拿正法上稟又於二
月十二日據承緝捕役孫應科等稟爲捉獲賊
犯事切身等承批緝拿賊犯王世祥等供出打
劫失主劉崇文案內逸賊宋澤等遵於二月初
四日捉獲陳子位一名初九日捉獲宋澤宋三

二名十二日捉獲朱騰宇一名理合稟報叩乞
審訊定案將捉獲賊四名朱騰宇宋澤宋三陳
子位押解到縣又據禁卒王玉等稟稱賊犯張
廣星原被鎗傷醫治不痊於二月十八日辰時
病故等情申報在案該卑職隨將獲到賊犯朱
騰宇等當堂驗看並無捕役私下弔拷傷痕逐
一隔別嚴審問朱騰宇你就是朱騰宇麼你們
打劫劉崇文家共有幾個人在那裏齊連那個
爲首從頭一一說來回供小的叫朱騰宇任劉
昌莊河南並不認得劉崇文正月十七日在夏

鎮遇見王二卽王世祥宋大卽宋純說起來沒
糧食吃王二說湖裏有我的親戚他家有糧食
啗去扒他幾斗來吃王二爲首共有八個人宋
純張五宋澤宋三展玉陳子位王世祥連小的
是八個人約定打劫劉崇文家去又問邀你會
齊這八個人都在跟前麼回供止王世祥宋純
連小的三個人在酒舖裏還吃了半觔酒就是
張五展玉宋澤宋三不在跟前那個陳子位直
到上盜這一夜纔有他在船上陳子位不肯去
張五宋澤展玉還要殺他來又問你拿的甚麼

器械是某日打劫他去的回供王世祥宋純在
夏鎮買了五根山棍正月二十六日撐著兩隻
船王世祥原拿的窩刺刀張五拿的山棍宋澤
拿著一根陳子位拿一根鍊棍展玉拿著一根
宋三拿著一根小的也拿的山棍宋純拿竹篙
有二更天到劉家莊上一隻船灣在他門口一
隻破船在他東邊有一箭地又問你是怎麼進
院拿住了劉崇文燎他扒他多少糧食拿他甚
麼東西從頭實實說來回供王世祥領著小的
衆人上去陳子位不肯下船衆人齊叫他下去

了他家無門戶俱是籬笆門子王世祥展玉張
五掀開籬笆門進去小的同張五拿住劉崇文
著繩細了用火燎他得了他制錢一千五百個
又拿他幾件衣服又問你把各人分得的贓從
頭說來回供小的拿了他一條藍褲子一條舊
白紬裙子一雙白粗布單襪子還分了二百錢
錢是用了衣服如今都有在家別人拿的小的
不知道臨走有三更天撐到那一隻船間張五
宋純王世祥跳在那隻破船上船漏撐不快後
邊有人趕來被人拿住了衆人拿的衣服是宋

澤撐了船去的這是實情問宋三你叫宋三麼
你賊夥共幾個人在那裏聚齊是那一日打劫
劉崇文家從頭說來回供小的是宋三在河東
灣上在小的哥是宋純王世祥是小的姐夫正
月二十三日小的哥宋純叫小的同他揭糧食
小的沒去二十六日在夏鎮開口間遇著小的
哥說沒糧食有王世祥說他家親戚有糧食叫
啗去扒他幾斗來吃小的就跟他去到晚上有
王世祥張五宋澤陳子位展玉朱騰宇宋純連
小的共八個人撐了兩隻船王世祥拿的一把

窩刺刀子又買了五根山棍小的同張五們都
拿的山棍宋純拿的竹篙陳子位拿的鍤棍有
一尺長有二更天撐船到劉家莊上是小的的
船先到他門前小的八個人一齊下去他家並
沒墻門戶是籬笆門子張五先動手拿住劉家
用繩弔在樑頭上同朱騰宇著火燎他小的在
外把風又問陳子位們用火同燎劉崇文來麼
回供實是沒有陳子位是個孩子他嚇得不肯
上涯還敢燎人麼又問你衆人拿他多少東西
甚麼衣服多少銀錢從頭說來回供張廣星王

世祥展玉他三人拿了幾件衣服放在小的船上還拿他錢一千五百文展玉同小的將衣服俱埋在李家口東馬路口堤頂上一千五百錢朱騰宇拿去二百小的拿了三百六十文買了二斗秫秫吃了別的錢是展玉拿去了又問後邊失主有人追趕麼回供出來往東南走到了東邊那破船間王世祥宋純張五他三人上了那破船後邊有人趕來被他拿住了小的人多兩把棹子一張篙撐的那船飛快跑開了又問器械如今在那裏呢回供山棍都丟在湖裏窩

刺刀子現在王世祥家沒有鞘子又問劉崇文嘴上的傷是誰刺的回供小的不知是那個刺的拿的衣服朱騰宇要燒了小的不肯如今求去起來就是了還有一條藍粗布褲子白腰小的還穿著這就是實話問宋澤你叫甚麼名字你們共是幾個人去打劫劉崇文家的誰爲首在那裏聚齊是某日上盜從實說來回供小的是宋二名字就叫宋澤小的哥是宋純於正月十七日小的在夏鎮開口河西裏見小的姐夫王二卽王世祥說沒的吃我的親戚劉家有糧

食啓去扒幾斗來喫是王世祥約的小的宋純
宋三卽宋資展玉張五朱騰宇陳子位共八個
人坐了兩隻船小的一隻新船宋三一隻破船
是正月二十六日夜天有二更時候就到了劉
家莊上下來他並沒院牆都沒拿著兵器是夏
鎮買了五根山棍小的拿了一根宋三拿了一
根張五拿著一根展玉拿了一根宋純拿了一
根竹篙朱騰宇拿了一根王世祥拿的窩刺刀
子鍊棍是陳子位拿的是王世祥張五展玉將
他門掀開進去張五拿住劉家就著他家的繩

細了弔著張五同朱騰宇著火燎他後邊脛得
了他幾件衣服還有一千五百錢又問在那裏
分贓各人分了些甚麼東西從頭說來回供小
的拿了一條褲子別的衣服衆人沒分朱騰宇
止分錢二百宋三分錢三百六十文衆人出來
往東南走到了那個船間張五王世祥宋純他
三個上了那個破船上後邊有人趕來被人拿
住了小的們幾個撐的好船飛跑走開了小的
止穿了他一條褲子別的是展玉拿去了衣
服是宋三展玉埋的小的不知道在那裏埋著

如今去起來了也將小的拿住這是幾句實話
望詳察問陳子位你名字叫甚麼在那裏在那
個來糾合你的在那裏齊連共幾個人打劫劉
崇文家實實說來回供小的是陳子位沛縣人
在草廟集西裏住正月二十六日小的姐夫宋
澤到小的家說小的姐大病小的父七十八歲
去不得叫小的去看姐的病走到夏鎮同小的
往南莊買糧食遇見他哥宋純的船一同走到
了湖中間宋純說沒的弊要齊眾人扒些糧食
來弊小的不肯去展玉張五要殺小的小的就

跟了他去了是王世祥爲首的約了八個人張
五展玉宋純宋澤宋三朱騰宇王世祥小的共
八個人船上有五根山棍說是夏鎮買的到莊
上有二更天了撐著兩隻船王世祥拿的窩刀
別人拿的山棍竹篙有一根鍊棍王世祥叫小
的拿著小的不肯拿就丟在湖裏了一隻船撐
到他門口還有一隻在東南角小的不肯下船
眾人一齊拖了小的下來有張五展玉王世祥
進去把他門掀開張五同朱騰宇把劉家拿住
著他家的繩子綁了弔在樑頭上著草點火燎

他得了他一千五百個錢還有些衣服出來往東南走了到了那隻船間張五宋純王世祥跳在那破船上後邊有人趕來將他那隻船拿住了小的們撐的是隻新船跑開了又問王世祥供你同夥打劫劉崇文家的你如今推得這樣乾淨你快把怎麼樣燎他分了甚麼贓物若再支飾一句就夾起來回供這是妄扳小的小的嚇得動不得躲在一邊何嘗燎他况燎他的人就是失主也認的只求問失主有小的沒有就是了他們與小的一件衣服一雙襪子小的不

肯做這沒天理的事俱丟還失主了並沒有拿他一絲東西小的還他這件衣服還念了兩聲佛別的衣服是宋三展玉撐了船去了錢是別人拿去了小的並沒見東西問別人併失主就明白了等情各供吐在案除一面差督捕役星飛前往起獲贓物傳喚失主認明另行招解外該卑縣看得賊犯王世祥等夥衆打劫劉崇文家一案前據失主隣佑當場拿獲王世祥宋純張廣星到縣供出夥盜朱騰宇展玉宋澤宋三陳子位五人當經給批嚴緝去後續據拿獲朱

騰宇宋澤宋三陳子位四名稟解前來訊其約會上盜情形供吐如一洵爲真盜其贓物據供埋於李家口東地方現在差押星往前去起認外擬合將續獲盜數審過口供先行詳報等情到州據此該卑州查得沛縣居民劉崇文家被盜一案正月二十六日事也據該縣詳稱夥盜八名當獲三名業已通報在案續獲四名現在飭行該縣確審招擬另報外今將續獲盜犯四名擬合具文詳報等情於康熙二十八年三月十九日申詳本使司蒙批仰卽遵照前批確審

詳報先將應叅疎防各職名開列報叅例限已屆毋再遲延干咎繳等因批行到州蒙此當卽飭行該縣查取疎防職名去後又據沛縣申據禁卒劉奉林等稟稱賊犯王世祥原被棍傷醫治不痊於三月十八日戌時身故等情申報在案續於四月初七日始據該縣詳稱蒙此卑縣遵照來文事理查得劉崇文家被盜一案離城二十里坐落昭陽湖內於本年正月二十六日夜被盜賊八人撐船二隻劫去衣物等件當被失主隣佑拿獲船一隻賊犯三名供出夥盜五

名復差捕役按巢捉獲四名業已審明詳解本
州覆審去後今蒙前因擬合將疎防知縣梁文
炳巡捕典史張祥各職名詳報等情據此該卑
州查得沛縣居民劉崇文家被盜一案乃康熙
二十八年正月二十六日事也失主居址湖岸
被夥賊八名駕舟強劫當被失主隣佑截獲船
一隻賊犯三名又供出夥盜五名復經緝獲四
名隨經飭發該縣確審詳報另文招解併疎防
武職例不由州開報外其疎防印官則沛縣知
縣梁文炳捕官則典史張祥也擬合詳報等因

又淮淮除道關稱該本道查得沛縣居民劉崇
文在昭陽湖內離城二十里於本年正月二十
六日夜被盜八人撐船二隻上莊進院劫去衣
物等件失主被傷今已平復當經隣佑救護捉
獲賊犯三名賊船一隻又供出夥盜五名復經
緝獲四名業據該州審明詳報在案查疎防武
職專汛係把總楊應魁兼轄則徐州營副將侯
奇也疎防文職捕官係沛縣典史張祥印官則
沛縣知縣梁文炳兼轄乃本道僉事常君恩也
再查此案盜犯八名已獲七名相應一併聲明

擬合關會等因到司准此該本司高按察使查
看得沛縣劉崇文家被盜一案緣崇文住居離
城二十里之昭陽湖畔止可舟楫往來隣居稀
少茅屋數椽葺葺爲籬並無門壁於康熙二十
八年正月二十六日夜二更時分羣賊駕舟二
隻各執刀棍等械登岸掀笆入內捉住崇文繩
細火燎刀刺其嘴搜劫衣服錢物上船思奔幸
隣莊蔡補等撐船救護協力追趕一船飛挽前
逸一船破漏難行當被擒獲三賊拒捕被傷就
縛并獲賊船賊械訊據獲賊王世祥宋純張廣

星卽張五供出同夥朱騰宇宋澤宋三展玉陳
子位共八人旋據陳子位父陳德赴該縣首明
并據捕役孫應科等將陳子位宋澤宋三朱騰
宇陸續拏獲惟展玉一名在逃已獲賊犯除張
廣星王世祥該縣取供先後病故宋純等各犯
見在起贓審擬定案外失主被傷平復原未放
火殺人此案疎防文職係沛縣知縣梁文炳典
史張祥兼轄淮徐道僉事常君恩疎防武職則
係專汛把總楊應魁兼轄徐州營副將侯奇也
再查此案夥盜八名已獲宋純等七名限內獲

督漕疏草 卷之三
擬合關會等因到司准此該本司高按察使查
看得沛縣劉崇文家被盜一案緣崇文住居離
城二十里之昭陽湖畔止可舟楫往來隣居稀
少茅屋數椽葺葺爲籬並無門壁於康熙二十
八年正月二十六日夜二更時分羣賊駕舟二
隻各執刀棍等械登岸掀笆入內捉住崇文繩
細火燎刀刺其嘴搜劫衣服錢物上船思奔幸
隣莊蔡補等撐船救護協力追趕一船飛挽前
逸一船破漏難行當被擒獲三賊拒捕被傷就
縛并獲賊船賊械訊據獲賊王世祥宋純張廣

星卽張五供出同夥朱騰宇宋澤宋三展玉陳
子位共八人旋據陳子位父陳德赴該縣首明
并據捕役孫應科等將陳子位宋澤宋三朱騰
宇陸續挈獲惟展玉一名在逃已獲賊犯除張
廣星王世祥該縣取供先後病故宋純等各犯
見在起贓審擬定案外失主被傷平復原未放
火殺人此案疎防文職係沛縣知縣梁文炳典
史張祥兼轄淮徐道僉事常君恩疎防武職則
係專汛把總楊應魁兼轄徐州營副將侯奇也
再查此案夥盜八名已獲宋純等七名限內獲

賊過半合并叙明統候覈叅等因呈詳到臣該
臣看得沛縣離城二十里昭陽湖邊居民劉崇
文家於康熙二十八年正月二十六日夜二更
時分被盜八人撐駕船隻各執刀棍等械登岸
上莊掀門進內捉獲事主劉崇文繩網火燎刀
刺其嘴劫去衣服錢物回船逃奔當被隣莊蔡
補等協力追趕擒獲三賊拒敵被傷并獲船一
隻失主隨經呈報地方文武各官轉報前總漕
臣馬世濟隨經批行查審被盜情形夥賊確數
並開列疎防各職名通報會叅在案臣莅任接

管復經檄催今據江蘇按察使高承爵詳稱訊
據獲賊宋純等三名供出同夥共八人續獲朱
騰宇等四名惟展玉一名在逃各犯見在起贓
審擬外其崇文被傷俱已平復所有疎防文職
捕官係沛縣典史張祥印官係沛縣知縣梁文
炳兼轄乃淮徐道僉事常君恩疎防武職專汛
係徐州營把總楊應魁兼轄係徐州營副將侯
奇也據稱此案夥盜八人已獲宋純等七名獲
賊過半合併聲明既據該司呈詳前來臣謹會
同江南江西總督臣傅臘塔江寧巡撫臣洪之

傑江南提督臣楊捷合詞恭疏

題叅伏乞

勅部議覆施行康熙二十八年六月二十三日

題

[Faint vertical text columns, likely bleed-through from the reverse side of the page]



